

Timpesta

I termisi sò allucati
I nassoni abbandunati
U celu hè annivulatu
Pè stu ghjornu dighjunatu

A matina a l'albetta
A carezza di l'arietta
Ghjè un ingratu labore
Di esse un pescadore

U tempurale, a saeta
Un vederai a casetta
In viaghju more solu
Nim'un ferà lu to dolu

Falzu hè lu to nemicu
Di tutti lu più anticu
N'un ti lascerai more
Grande hè lu to onore

Marinaru curagiosu
Chì lotta senza riposu
Cù un idea in testa
Voli vince a timpesta

Ch'a forza di lu to core
L'estru di u pescadore
Hai vintu hè un sò fole
Eccu hè spuntatu lu sole